



Kultureqarnermut, Ilinniartitaanermut, Ilimatusarnermut Ilageeqarnermullu Ataatsimiititaliaq.

UKA 2015/163 Eqqumiitsuliornermik ingerlatsineq pillugu Inatsisartut inatsisisaattut siunnersuut pillugu Naalakkersuisunut allakkatigut apeqqutigineqartut pillugit

Ataatsimiititaliaq qaammatip uuma ulluisa 26-ianni allakkani Naalakkersuisunut arlalinnik apeqquteqarsimavoq, taakku matumuuna akineqassapput.

Innuttaasunut ataasiakkaanut tunngatillugu

Naatsorsuutigineqassaaq inunnut matuminnga siunnersuummik atuisuulersussanut qanoq kultureqarnermut sunngiffimmullu peqqussutip imaluunniit eqqumiitsuliornermut inatsisip aalajangersagartaani eqqumiitsuliornermi atuisinnaanissaminut inatsisitigut pisinnaasaasa amigaateqarnissaat.

- 1. Inatsisit taakku marluk pillugit innuttaasut ilitsersorneqmissamut pisariaqartitsilis-sagaluarnik qanoq sumilu ingerlanneqarnissaa Naalakkersuisunit naatsorsuutigineqarpa?*
- 2. Inatsisitigut pisinnaatitaaffiit aammalu Eqqumiitsuliornermik ingerlatsineq pillugu inatsisartut inatsisissaannik atuisuusussat, eqqumiitsuliornermut inatsisip nu-taap aamma kultureqarmut sunngiffimmilu sammisassaqartitsinermit peqqussu-tip pisoqqap arlaat atussanerlugu nammineq inatsisitigut misissuisarnissaat Naalakkersuisunit pissusissamisoortutut isigineqarpa?*

Akissut:

Naalakkersuisut isumaqarput innuttaasut ataasiakkaat eqqumiitsuliornermik ingerlatsineranni kulturimut sunngiffimmullu peqqussut imaluunniit eqqumiitsuliornermut inatsit aqquitalugit ingerlatsisoqarnerminni inatsisilerinermit naliliisarnissamut piginnaaneqarnissaq aalajangiisuussanngitsaq.

Aalajangersakkanik kulturimik sunngiffimmilu sammisanik ingerlatsineq pillugu peqqussummi aalajangersakkanut akerliusunik siunnersuut imaqaanngilaq. Kulturimik sunngiffimmilu sammisanik ingerlatsineq pillugu inatsisartut peqqussutaanni maleruaqqusat atuuttut naapertorlugit atuuffiit erseqqissarneqarnerat pineqarpoq, soorlulu tamanna siunnersuummut nassuiaatini erseqqissarneqartoq. Pissutsit immikkut ittut inatsimmi atuuttumi taaneqarsimanngitsut immikkut taaneqarsimapput. Tamatumani ilaatigut pineqarput eqqumiitsulianik, ininik kikkunnit tamanit iserfigineqarsinnaasunik kusassaanerik aamma eqqumiitsuliornermut sanaavinik pisortat oqartussaaffiini suliffeqarfiutaannilu saqqummersitassatut attartorneqartunik pisisarnerit. Tassunga ilaatillugu eqqumiitsuliornermik ingerlatsinermit tapiisarnermit tunngavissat pillugit maleruagassanik aalajangersaasoqarsimavoq, tapiissuteqartoqarnissaanullu suut tunngaviussanersut pillugit tunngavissaqarluni, tassalu eqqumiitsuliornermik pitsaassuseq piukkunnaateqarnerlu.

29-10-2015
Suliap nr. 2015 - 2063
Allak. nr. 1441542

Postboks 1029
3900 Nuuk
Oqarasuaat (+299) 34 50 00
Allak.: +299 32 20 73
Email: ikiin@nanoq.gl
www.nanoq.gl

Apeqqu 1-imut

Kulturimut tunngasunik maleruagassanut paasinninnissamut apeqquutissat llinniartitaanermut, Kultureqarnermut, liisimatusarnermut ilageeqarnermullu Naalakkersuisoqarfimmut apeqquutigineqarsinnaapput.

Maleruagassallu atuuttut www.Sullissivik.gl aqquutigalugu aamma paasissutissiissutigineqarsinnaapput, soorluttaarlu naalakkersuisoqarfik inatsisissap nutaap imarisaanik kommuninut, eqqumiitsuliortut suleqatigiiffiinut peqataasunullu allanut paasissutissiissamaarluni.

Apeqqu 2-mut

Eqqumiitsuliornermik ingerlatsineq pillugu inatsisartut inatsisissaannik atuisuusussat, eqqumiitsuliornermut inatsisip nutaap aamma kultureqarmut sunngiffimmilu sammisassaqtitsinermut peqqussutip pisoqqap arlaat atussanerlugu nammineq inatsisitigut missuisarnissaat Naalakkersuisunit pissusissamisoortut isiginngilaat.

Kommunit pillugit

Eqqumiitsuliornermik ingerlatsineq pillugu inatsisartut inatsisissaat akuerineqassappat kommunit sulinerminni Eqqumiitsuliornermik ingerlatsineq pillugu inatsisartut inatsisissaat aamma kultureqarnermut sunngiffimmilu sammisassaqtitsinermi peqqussutaat ingerlaavartumik kommunit sulinerminni tunngavigisartussaavaat.

- 3. Inatsisissap akuersissutigineqarnerani inatsimmi tunngavigineqartut nalilersortarnissaasa pisariaqartinneqarnerat naapertorlugu kommunit sullissinerata anertusisussaananerani isumaqarnera Naalakkersuisut nalilersussagaat ataatsimiititaliamit qinnutigineqarpoq?*
- 4. Kommunit sullissineranni inatsisit taakku marluk akomanni allassimasunik ingerlaavartunik paasinaasaqattaartarnissaq Naalakkersuisunut pissusissamisoortut isigineqarpa?*

Akissut:

Apeqqu 3-mut

Siunnersuutigineqartoq akuersissutigineqassappat kommunit suliaqarnerulernissaannik kinguneqassanngitsoq Naalakkersuisunit nalilernerqarpoq.

Apeqqu 4-mut

Eqqumiitsuliornermut tunngatillugu kommunit sulianik ingerlatsineranni inatsisit taakkua marluk immikkoortillugit paasiniartuarnissaat pisariaqassanngitsoq Naalakkersuisut isumaqarput. Tassalu eqqumiitsuliornermut tunngatillugu eqqumiitsuliornermik inatsit atuuttassaaq.

Naalakkersuisullu taamaalillutik ilimagaat inatsisit taakkua marluk sunut atorineqarsinnaanerat kommunit immikkoortissinnaasassagaat, tassami matumani malugeqquneqaromat KANUKOKA tamatumunnga tunngatillugu paatsuugassaqarnani oqarsimammat. Kulturimut inatsisissap aamma timersornermut inatsisissap akuersissutigineranni Naalakkersuisunitaaq naatsorsuutaavoq inatsisit taakkua marluk sunut atorineqarsinnaaneranik kommunit immikkoortitsisinnaasasut.

Eqqumiitsuliornermut tunngasunik sullissineq pillugu

Allaffissornermi ileqqorissaarnissamut pingaartitsinerup saniatigut Kommunit Naalakkersuisullu sullissinermut atatillugu piffissamik malinnittarnissaat soorunami ataatsimiititaliamit ilimagineqarpoq,

5. Inatsisit taakku marluk allassimanerinin ingerlaavartumik tamatigoortumillu paasiniaasaqattaarnerup sullissinerup maannakkut sullissinermut sanilliullugu sivi-sunerunissaanik Naalakkersuisunit nalilerneqarpa?
 - a. Namminersorlutik Oqartussanut?
 - b. Kommuninut?

Apeqqu 5-imut

Apeqqu 4-mut akissutigineqartoq innersuussutigalugu nalunaarutigineqassaaq siunnersuutip akuersissutigineratigut sulianik ingerlatsisarnerup sivi-sunerulernissaa Naalakkersuisunit ilimagineqanngimmat.

Inussiarnersumik inuulluaqqusillunga

Med venlig hilsen

Nivi Olsen